

Iruña-Tuterako "CARITASEN TONBOLA"ren lege-oinarriak

1. ANTOLATZAILEAREN IDENTIFIKAZIOA

Oinarri hauetan, **IRUÑA-TUTERAKO CÁRITAS DIOCESANA** erakundeak (aurrerantzean, ANTOLATZAILEAK; IFK: R3103164D; helbidea: San Anton kalea 8, BEHEA, 31001 – IRUÑA (Nafarroa)) antolatutako tonbola handienaren modalitateko jokoari ezarri beharreko baldintzak eta jarraibideak jasotzen dira (sarien zenbateko osoa 1.800 euro edo gehiago da).

2. JOKOAREN ZEHAZTAPENAK

Tonbola honetan hainbat objektu zozketatuko dira. Objektu horiek jendaurrean jarriko dira eta txartelak prezio jakin batean eskuratu dituzten erosleen artean banatuko dira, honako modalitate hauetan, eta txarteletan, hala badagokio, lortuko den saria adieraziko da:

- Ekitaldian eman daitezkeen objektuak,
- ("reúna") puntuen baturarekin eman daitezkeenak eta
- aldizkako zozketen bidez eman daitezkeenak.

Txartelak gaitutako salmenta-postuetan erosi ahal izango dira, tonbola jarriko den esparru berean, eta ANTOLATZAILEAREN boluntarioek salduko dituzte.

Bi milioi eta seiehun mila (2.600.000) txartel jarriko dira saltzen.

Ez dago mugarik pertsona bakar batek eskura ditzakeen txartelen kopuruan, eta horiek eskudirutan nahiz txartelarekin ordaindu ahal izango dira, salmentaz arduratzen diren boluntarioek datafonoak eramango baitituzte.

3. NON ETA NOIZ EGINGO DEN

Tonbola Iruñeko Sarasate pasealekuan jarriko da 2025eko maiatzaren 31tik uztailaren 15era bitartean, biak barne.

Tonbolarekin batera egiten diren zozketak denbora-tarte horretako ostiral guztietan egingo dira, baldin eta txanda bakoitzean 100.000 txartel saltzen badira.

4. PARTE HARTZEKO MODUA

Tonbola honetan edozein pertsonak parte hartu ahal izango du, baldin eta Oinarri hauetan adierazitako debekuen arteko batean erori ez bada, eta TXARTEL BAKOITZEKO EURO BAT (1) ordaindu badu.

Tonbola honetan, adinez nagusi direnek eta jarduteko gaitasun osoa dutenek baino ez dute parte hartuko. 18 URTEtik beherakoek ezingo dute txartelik erosi.

Era berean, tonbolan ez dute parte hartuko talde ANTOLATZAILEko langileek. Arau hori ez betetzeak lortutako saria galtzea ekarriko du.

Ez dira onartuko faltsututako, hondatutako, hautsitako edo irakurri ezin diren txartel sarituak.

Jendeari txartelak saltzeko eta sariak banatzeko ordutegia 10:30etik 13:30era eta 17:30etik 20:30era izango da astelehenetik igandera, biak barne, aurreko atalean aipatutako denbora-tarte osoan, San Ferminetan izan ezik, ordutegia, orduan, 10:30etik 14:30era eta 18:00etatik 22:30era izango baita.

5. SARIAK

Hiru sari mota izango dira:

- Berehala ematekoak diren sariak tonbolan horretarako prestatutako salmahaian egongo dira.
- " REÚNA" adierazpena duten eta sarituak izan diren 5, 10, 20 txartelen ordaineko sariak tonbolan horretarako jarritako salmahaian trukatu ahal izango dira.
- Zozketetan irabazleei esleitutako sariak.

Oinarri hauen eranskinean zerrendatzen dira tonbolaren eta zozketen sariak, baita horiek merkatuan duten prezioa edo balioa, eta horiek zer gordailutan edo zer tokitan dauden erakusgai ere.

Tonbolaren sariak irabazle ateratzen diren txartelentzako ekitaldian emango dira. Sariak ez dute ez zamarik ez kargarik izango, eta dagozkion zerga-betebeharrak ANTOLATZAILEAK eta sarituak beteko dituzte, hala badagokio. Sustapeneko irabazleek sariak lor ditzaten, une bakoitzean indarrean dagoen zerga-araudian xedatutakoa bete beharko dute. Pertsona Fisikoen Errentaren gaineko Zerga arautzen duen zerga-araudiaren arabera, ondasunak edo zerbitzuak saltzeko edo sustatzeko lotutako joko, lehiaketa, zozketa edo ausazko konbinazioetan parte hartzeagatik ematen diren sariak PFEZaren atxikipenari lotuta daude, sariak emateko unean indarrean dagoen zerga-legediari jarraikiz, betiere sariaren balioa 2.500 eurotik gorakoa bada.

Ezaugarri jakin batzuk direla-eta (adibidez, telebistak) tonbolaren instalazioetan trukatu ezin diren sariak hornitzailearen establezimenduan bertan eskuratuko dira, irekitzeko ordutegien, kokapenaren eta gainerako baldintzen arabera. ANTOLATZAILEAREKIN zerikusirik ez duen arrazoiren batengatik, aurreikusitako saria emateko prest ez badago, ANTOLATZAILEAK sari horren ordean balio bereko edo handiagoko beste bat emateko eskubidea izango du.

Tonbolan eta zozketan ateratzen diren sariak, kasuaren arabera, saritutako txartelaren edukitzaileei emango zaizkie.

Irabazleak lortutako sariari uko egiteko eskubidea izango du, baina ezin izango du beste sari batekin trukatu, ez eta eskudirutan ere.

ANTOLATZAILEAK ez du inolako erantzukizunik izango sariarekin edo saria gaizki erabiltzearekin lotutako edozer arrazoiren aurrean.

6. ZOZKETAK EGITEKO MODUA.

Parte hartzeko eskubidea esleitu zaien txartel guztiek parte hartu ahal izango dute zozketan, zozketatu beharreko zenbaki eta sari jakin baten bidez.

26 zozketa egingo dira, hau da, zozketa bat saldutako 100.000 txarteleko, txanda bakoitzean 100.000 txartel horiek saldu ondoren. Txanda bakoitzean saldutako 100.000 txarteletatik 60.000 zozketatuko dira eta 0tik 59.999ra arteko zenbakiak izango dituzte. Zozketa egiteko bost bonbo egongo dira, eta bakoitza zenbaki sarituaren bost zifretako bati dagokio. Milako hamarrekoen ontzian 6 bola sartzen dira (0tik 5era), eta gainerakoetan 9 bola (0tik 9ra).

Zozketak tonbolaren instalazioan bertan adierazitako egunetan egingo dira eta publikoak izango dira.

Zozketak tonbolaren arduradunak egingo ditu, eta taldeko beste pertsona baten laguntza izango du beti. Horiek izango dira bolak aterako dituztenak.

Zozketak egiteko datak tonbolaren instalazioan bertan dagoen kartelean eta www.caritaspamplona.org web-orrian iragarriko dira

Dagokion sariaren irabazlea izateko, oinarri hauetan ezarritako merkaturatze-aldian erositako txartelaren jabe legitimoa izan behar da, eta irabazle atera den zenbakiak eta izendatutako pertsonak ateratako zenbakiak bat egin behar dute.

Zozketetan saritutako zenbakiak tonbolaren instalazioan bertan dagoen kartelean erakutsiko dira, baita web-orrian eta sare sozialetan ere.

7. SARI-EMATEAK ETA EPEAK

Jokoan dauden sari guztiak, hau da, zuzenekoak, "reúna" k pilatuz lortutakoak eta zozketa bidez esleitutakoak berehala jaso ahal izango dira tonbolan horretarako gaitutako mostradorean (5. ataleko laugarren paragrafoan aurreikusitako salbuespenaren kasuan izan ezik), eta jasotzeko azken eguna 2025eko uztailaren 15a izango da. Sariak 18 urtetik gorakoei bakarrik eman ahal izango zaizkie.

Egun horren ondoren, saritutako txartelen bat duten pertsonak 2025eko abuztuaren 14a baino lehen jaso ahal izango dute saria, ANTOLATZAILEAREN instalazioetara joanda (San Anton kalea 3, BEHEA, 31001 – IRUÑA, Nafarroa) (salbu eta aurreko paragrafoan aipatzen den 5. ataleko laugarren paragrafoan aurreikusitakoaren kasuan izan ezik).

Goian adierazitako epeak igaro ondoren, ANTOLATZAILEARI egotzi ezin zaizkion arrazoiengatik saria ematerik izan ez bada, sari hori erreklamatzeko edozein eskubide bertan behera geratuko da.

Sariak emateko epe horiek igaro eta sariak jaso ez badira, sariak eman gabe geratuko dira, ANTOLATZAILEAREN titulartasunpean.

Sariak jasotzeko epemuga alde batera utzita, sari batzuek gehieneko kontsumo-data bat izan dezakete, txartelean bertan adierazitako dena, eta data hori igarotakoan saria jasotzeko eskubidea galduko da.

8. ANTOLATZAILEAREN ERANTZUKIZUNA.

ANTOLATZAILEA ez da hauez arduratuko:

- Irabazleak sariari ematen dion erabilera.
- Hirugarren enpresek tonbola hau dela-eta eman behar dituzten zerbitzuak.
- Saria baliatzearekin loturik edo horren ondorioz irabazleak edo haren kideak jasan ditzakeen kalte eta galerak.
- ANTOLATZAILEARI egotzi ezin zaizkion arrazoiak eragindako erroreak edo akatsak. ANTOLATZAILEAK ez du erantzukizunik izango irabazleari saria osorik edo zati batean disfrutatzea eragotz diezaioketen ezinbesteko kasuetan, eta adierazitako kasuren bat gertatuz gero, ez du inolako erantzukizunik izango

9. DATU-BABESA

Datuen babesaren arloan indarrean dagoen araudiarekin bat etorritik, honako hau jakinarazten dizugu:

Tratamenduaren arduraduna: IRUÑEKO ETA TUTERAKO ELIZBARRUTIKO CARITAS (aurrerantzean, ANTOLATZAILEA). IFK: R3103164D; helbidea: San Anton kalea 8, BEHEA, 31001 – IRUÑA (Nafarroa).

Tratamendua eta helburua: Antolatzaileak zera jakinarazten die irabazleei, zozketan saritu gisa borondatez ematen dituzten datu pertsonalak antolatzaileak berak tratatuko dituela, saria kudeatu eta eman ahal izateko.

- Lege-oinarria: Interesdunarekin lotzen den kontratua betearaztea, DBEOren 6.1.b) artikulua (lege-oinarri hauek).
- Gordetzeko epea: Arestian adierazitako helburua lortzeko behar-beharrezkoa den epean eta Arduraduna indarreko araudiaren arabera tratamendurako legitimatuta dagoen bitartean.

Hartzaileak: Jakinaren gainean izan zaitezten, zure datuak, oro har, ez zaizkie hirugarrenei lagako, legeak hala egitea ezarri ezean, edo zerorrek berariazko baimena eman ez baduzu. Nolanahi ere, jakinarazpen eta/edo transferentzia batzuk sustapenari aplikatu dakiokeen araudiak ezar ditzake, hala nola zerga-araudiak (datuak zerga-ogasunei jakinaraztea).

Era berean, sariak behar bezala kudeatzeko eta banatzeko, beharrezkoa izan daiteke irabazleen zenbait datu hirugarrenei jakinaraztea edo transmititzea. Jarraian, hirugarrenei datuak jakinaraztea beharrezkoa izan dezaketen xedeak adierazten ditugu:

- Arduraduna ez den beste erakunde baten ardurapeko sariak eskuratzea: kasu horretan, irabazlearen datuak saria emateaz arduratzen den enpresari jakinaraziko zaizkio, hark irabazlearekin saria eskuratzea koordinatu ahal izan dezan.
- Irabazleei sariak emateaz arduratzen den enpresa garraiolaria.

Eskubideak eta horiek gauzatzea: Tratamendurako biltzen diren izaera pertsonaleko datuei dagokienez, datu horiek eskuratzeko, zuzentzeko, ezabatzeko eta eramateko eskubideak gauzatu ditzakezu. Era berean, zera jakinarazten dizugu, inguruabar jakin batzuetan, zure datuen tratamendua mugatzeko edo haren aurka egiteko eskatzeko eskubidea izango duzula. Kasu horretan, erantzuleak tratamendua bertan behera utziko du eta datu horiek soilik gordeko ditu, baldin eta hala ezartzen dion arau-betebeharren bat badago edo gerta daitezkeen ekintzak preskribatu arte.

10. ETEKINEN XEDEA

Tonbolaren ondorioz lortutako irabaziak IRUÑEko eta TUTERAKo ELIZBARRUTIKO CARITASEN jarduera propioak finantzatzeko erabiliko dira

11. HEDAPENA

Tonbolaren antolaketa hainbat komunikabideren bidez iragarriko da, tonbola egin aurretik.

12. OINARRIAK ONARTZEA

Tonbola honetan parte hartzeak Oinarri hauek osorik onartzen direla esan nahi du. Oinarri hauek María José Bustillo Fernández Iruñeko Elkargoko notarioaren aurrean gordailatu dira, eta

lehiaketa eta zozketen oinarrien notario-artxiboan (ABACO), www.notariado.org webgunean eta ANTOLATZAILEAREN webgunean kontsultatu ahal izango dituzte parte-hartzaileek.

Salbuespen gisa, eta behar bezala justifikatutako arrazoiengatik, ANTOLATZAILEAK oinarri hauek edozein unetan aldatzeko eskubidea izango du, bai eta ezarri beharreko beste edozein baldintza orokor edo berezi, erabilera-erregelamendu, jarraibide edo abisu aldatzeko ere. Oinarri hauen interpretazioan zalantzarik edo desadostasunik egonez gero, ANTOLATZAILEAREN irizpidea izango da nagusi.

Erreklamazioak aurkezteko epea sarien banaketa amaitu eta 5 egun naturalera amaituko da, hau da, 2025eko abuztuaren 20an.

13. LEGERIA ETA FORUA.

Ekintza honi ezarri beharreko legeria Espainiakoa izango da. Aldiz, dokumentu hau interpretatu eta betearaztetik erator daitezkeen eztabaida guztietarako, eta foruaren arloan alderdien xedapena mugatzen duen araurik ez badago, dokumentu hau Iruñeko (Nafarroa) Epaitegi eta Auzitegien jurisdikzioaren mende jarriko da, eta espresuki uko egingo dio legokiekeen beste edozein foruri. Aipatutako kasuan, arauren batek forua ezartzea debekatzen badu, ezarri gabekotzat joko da, eta lege-oinarrien epigrafe hau ez da aplikatuko.

Iruñean, 2025eko apirilaren 22an.